



Sud Bosne i Hercegovine

Суд Босне и Херцеговине

Broj: Su-08-269/20

Datum: 28.10.2020. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05) na preporuku Stalne komisije za javne nabavke Suda Bosne i Hercegovine broj: Su-08-268/20 od 28.10.2020. godine u otvorenom postupku javne nabavke računarske opreme i opreme za prenos podataka za **LOT 11 – Audio oprema za sudnice** – JRJN 32260000-3, donosim

ODLUKU

o izboru najpovoljnijeg ponuđača za nabavku računarske opreme i opreme za prenos podataka za **LOT 11 – Audio oprema za sudnice**

član 1.

Prihvata se preporuka Stalne komisije za javne nabavke Suda Bosne i Hercegovine (u daljem tekstu: Komisija), broj: Su-08-268/20 od 28.10.2020. godine i Ugovor za nabavku računarske opreme i opreme za prenos podataka za **LOT 11 – Audio oprema za sudnice** - oznaka i naziv iz JRJN: 32260000-3 (oprema za prenos podataka), dodjeljuje se ponuđaču **"AUDIO VIDEO CONSULTING" d.o.o. Sarajevo**, sa sjedištem na adresi Azize Šaćirbegović 7, sa ponudom broj: T-36-10-2020-11 od 01.10.2020. godine i za ponudenu cijenu od **4.599,70 KM** bez PDV-a.

član 2.

Ugovor o nabavci dostaviti će se na potpis izabranom ponuđaču **"AUDIO VIDEO CONSULTING" d.o.o. Sarajevo** po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda Bosne i Hercegovine. Komisija za javne nabavke uputiti će obavještenje svim ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke opreme po lotovima broj: Su-08-178/20 od 24.08.2020. godine. Javna nabavka je provedena putem otvorenog postupka za dostavu ponuda broj: Su-08-192/20, a procijenjena vrijednost javne nabavke računarske opreme i opreme za prenos podataka za LOT 11 – Audio oprema za sudnice je 4.600,00 KM bez PDV-a. Obavještenje o nabavci objavljeno je na portalu javnih nabavki pod brojem 243-1-1-36-3-18/20 od 03.09.2020. godine zajedno sa tenderskom dokumentacijom.

Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke računarske opreme i opreme za prenos podataka za LOT 11 – Audio oprema za sudnice. Komisija je blagovremeno i pravilno izvršila javno otvaranje ponuda dana 01.10.2020. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku.

Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno sljedeće: da je blagovremeno pristigla jedna (1) ponuda (AUDIO VIDEO CONSULTING d.o.o. Sarajevo), da nije bilo neblagovremeno zaprimljenih ponuda i da je ponuda ponuđača AUDIO VIDEO CONSULTING d.o.o. Sarajevo ocijenjena prihvatljivom u skladu sa tenderskom dokumentacijom.

Za ovaj postupak je predviđena e-aukcija. Pristigla je samo jedna prihvatljiva ponuda od ponuđača "AUDIO VIDEO CONSULTING" d.o.o. Sarajevo te se u skladu sa pravilnikom o uslovima i načinu korištenja e-aukcije, e-aukcija ne može zakazati.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač "AUDIO VIDEO CONSULTING" d.o.o. Sarajevo izabran primjenjujući kriterij najniže cijene koja je ponuđena u iznosu od **4.599,70 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

